



सानसेयारि “बड’सा” खरीर्लाइयाव
ख्माज्यादि जिउजो लोब्बा थानाय रायथाय, खन्थाय,
खल’, खल’बाथा आरौ दावबायादि थावनि, पार्क
बाइदिनि सायाव लिन्नाय लिन्बिदो दैथाय डर/
सानसेयारि “बड’सा” खरीर्लाइया सेबखानाबै
फोसावगेन।
बड’सायाव लिन्डरनायनि हुडा खलाम,
“बड’सा” खरी नोथो, जो बयबो आंगो खलाम।
सानसेयारि बड’सा मावकुलि
माइब नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 19 August, 2025 Kokrajhar, BTC, Assam ★ Vol.-35, Issue No.145 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

आंजों जुजियालाबानो आखाइ दिखोखानायानो गाहामः गिबि मन्थि

अरांनि बिजेपिनि देरहासार थांखनि हान्जा सुरनायाव गिबि मन्थि ड० शर्मा

उदालगुरि, 18 आगस्टः उदालगुरि जिल्ला बिजेपिनि बान्जायनायाव अरां साहा बागाननि गेवलां गेलेग्रा फोथाराव दिनें गोजोनजों बुंफबनाय बिटिआर आरो जौगाखां बिटिआर दाफामनायनि थांखिजों दोलोनि देरहासार थांखि हान्जा सुरनाय हाबाफारियाव गाहाइ आलासि महेर बाहागो लानानै गिबि मन्थि ड० हिमन्त बिश्व शर्माआ फोरमायदोंदि, दिनें जों बयबो बिटिआर बिसायख’थिनि सोमोन्दै सावरायनो फैदों। आगस्ट दाननि 3थि सप्ताहयाव बिसायख’थिनि अक्ट’खौ फोसावनाय जागोन आरो दुर्गा फुजानि सिगाडावोनो बिसायख’थिया खुंफुंजागोन। बिजेपिआ मोनबेसे मासियाव गेलेगोन आरो सोरजोंबा लोगो जानानै गेलेगोन नामा बेखौ



लानानै जोंनि गेजेराव सावरायलायनाया जाखांबाय। बे समावनो जों थांखि लादोंमोनदि, राइजो-राजाफोरजों सावरायलायनानै सो बिसायख’थिखौ गेलेगोन। आधिखालसिमाव उदालगुरिनि मोनफ्रोमबो बियाबआवनो आं थानानै राइजो-राजाफोरजों सावरायलायखांबाय आरो दिनें पासने सेरफां आरो रैतानि राइजो-राजाफोरनाव बिसायख’थि गेलेनांगौना नाडा बेखौ सोंबोनाय जादों। नोंथांमोनहा साहस खालामोब्ला मोननैबो बियाबआवनो बिसायख’थिखौ गेलेगोन। गिबि मन्थिआ फोरमायबावनाय बायदिब्ला आं हाग्रामाखौ खावलायदों नोंथांमोनहा मोन 20 मासियाव गेले आरो जोंनो मोन (□ 6 बिलाइआव)

बिजनीआव सानजारां “लक्षेस्वर ब्रह्म मेम’रियेल स्पेस लेब” बेखेवदों बिटिआरनि गाहाइ प्रमद बर’आ

हाग्रामा महिलारिआ थामजौ मुंखलंनोल’ अनसुंथाइ होदों, जों से रोजानिबो बांसिन मुंखलंनो अनसुंथाइ होदों : प्रमद बर’

बिजनी, 18 आगस्ट : चिरां जिल्लानि गुबुन गंसे मख’जाथाव फलायसालि बिजनी बान्धब गोजौसिन गेजेरारि फरायसालि। ई 1945 माइथायाव गाइसन जानाय बिजनी बान्धब गोजौसिन गेजेरारि फरायसालिआव गोदानै लुफुंजानाय सानजारां “लक्षेस्वर ब्रह्म मेम’रियेल स्पेस लेब”खौ बेखेवदों बिटिआरनि गाहाइ खुंगिर (□ 6 बिलाइआव)



हायेनाव थानाय ट्राइबेलफोरनि हाखौ रैखाथि होनांगौनि थाखाय भारत सरकारआ गोदानै आयेन सोर्जिनांगौ : दिपेन बर’



कक्राझार, 18 आगस्ट : सिसिटिअ’नि बान्जायनायाव दिनें “Protection of Constitutional Rights of the Tribal People of Assam” आइदाखौ लानानै गुवाहाटी

माचखवा एम. जि. रडआव थानाय प्रगज्योति आइ. टि. ए. चेन्टराव “जर’खा ट्राइबेल जथुम” खुदों। हाबाफारि बायदिये जर’खा ट्राइबेल जथुमखौ बेखेवनानै होयो राभा हाजं

3 नं सराइबिल बियाबआव गिबि मन्थि दावबाय फैगोननि लाहार-फाहार



गसाइगाव, 18 आगस्टः फैगौ बिटिसि बिसायख’थिखौ मिरु खालामनानै बिटिसिनि मोनफ्रोमबो बियाबआवनो बिजेपिनि गागि दैदेनगिरि एबा राइज्योनि गिबि मन्थि ड० हिमन्त बिश्व शर्माआ देरहासार थांखि मेलआव बाहागो लानानै गोबां फोसावदिनाय हाबाफारियावनो बाहागो लागसिनो दड। दिनें गिबि मन्थि ड० हिमन्त बिश्व शर्माआ कक्राझार जिल्लानि 3 नं सराइबिल आरो 6 नं कसुगाव बियाबआव खुंफुंजानो गोनां मोनै सुबुं गौमायाव बाहागो लाफैगोन। बिटिसि (□ 6 बिलाइआव)

बिटिसि सरकारनि बान्जायनायाव बिटिसियाव गिबि थाखोआव 3.5 लाख डिएमआइटी आन्जाद खुंफुंदों

कक्राझार, 18 आगस्टः प्रमद बर’ दैदेनाय बिटिसि सरकारआ बड’लेण्डआव सोलों थाइनि मख’जाथाव सोलायनाय लाबोनारनि थांखिजों आजवनाय बां मोखाडारि बिथांखि डिएमआइटी आन्जादखौ सदर जिल्ला कक्राझाराव जागायजेदों। बिटिसिनि उदालगुरि, बाक्सा आरो (□ 6 बिलाइआव)



आसुनि बारा’ लोगो आफादगिरि ड० जयन्त कुमार भत्तासार्ज्यखौ बिदाय होनाय हाबाफारि खुंफुंदों



उदालगुरि, 18 आगस्टः दुलायय आसाम फरायसा आफादनि बारा’ लोगो आफादगिरि, लोगो गाहाइ नेहाथारि, आधिखालआव दुलायय उदालगुरि जिल्ला फरायसा आफादनि बोसोनगिरि ड० जयन्त कुमार भत्तासार्ज्यखौ थानाय 17 आगस्टआव फरायसा गौथुमनिफ्राय मोनसे हाबाफारिनि गेजेरजों जोबथा बिदाय (□ 6 बिलाइआव)

मुसलपुरआव बि पि एफ दोलोनि बोर सारस्त्रिनाय गेटेर रेलि आरो सुबुं जथुमा

बिटिसि बिसाइख’थिआव जोंनि जुजिनाया प्रमद बर’जोंसो, दिसपुर-दिल्लीखौ रायनानै मा मुलाम्फा जानो : हाग्रामा महिलारि

मुसलपुर, 18 आगस्टः मुसलपुरआव बि पि एफ दोलोनि गेटेरार बोर सारस्त्रिनाय हान्जा सुरनाय हाबाफारि। रोजा-रोजा राइजो-राजा आरो बि पि एफनि मावथि सोद्रोमाफोरा बाहागो लादों। फैगौ बि टि सि बिसाइख’थिखौ नोजोर होनानै हाग्रामा महिलारिनि दैदेनाय बि पि एफ दोलोआ बिसाइख’थिनि सिगां-सिगां गावसिनि गोखोंथिखौ दिन्थिनायनि (□ 6 बिलाइआव)



असिलायै दासान्दि गुबुन-गुबुन बियाबफोराव बोर सारस्त्रिनाय हान्जा सुरनाय हाबाफारिखौ

लागासिनो थानाय बायदिनो दैदेबो मुसलपुरनि गेवलां फोथाराव बिपिएफ दोलोनि मोनसे गेटेर बोर सारस्त्रिनाय हान्जा सुरनाय हाबाफारि लानाय जादों।

चिरांनि काजलगावआव इउपिपिएल दोलोनि खौसेथिनि हान्जा सुरनाय हाबाफारि

बिटिआरनि राइजो-राजाफोर मडेल इउपिपिएलखौ वजबनानै लाबायः प्रमद बर’

काजलगाव, 18 आगस्टः फैगौ सेप्टेम्बर दानआव खुंजानो गोनां बिटिसि बिसायख’थिखौ नोजोर लाखिनानै दासान्दि बिटिआर हालामनि राजखान्थि फोथाराव राजखान्थिनि बारआ गोखोंनिफ्राय गोखोंसिन बारगासिनो थानायखौ नुनो मोन्दों। राइज्योनि गिबि मन्थि ड० हिमन्त बिश्व शर्मा आरो आसाम बिजेपिनि आफादगिरि दिलीप सइकियाआ बिटिसि खुंथाइखौ दखल खालामनारनि थांखिजों दासान्दि बिटिसिनि दाब दाब बियाबफोराव बिसायख’थि (□ 6 बिलाइआव)



फोसावदिं मेल लागसिनो थादों। बेराफारसे बिटिसिनि मोननै ओन्सोलआरि राजखान्थि दोलो (□ 6 बिलाइआव)

बिपिएफ आरो इउपिपिएल दोलोआबो बिटिसि बिसायख’थिनि (□ 6 बिलाइआव)

आदिबासि फरायसा आफादआ साहा बागानाव बिजेपि दोलोखौ होबथादों

उदालगुरि, 18 आगस्टः आदिबासि हारिनि मन्थि, एमएलए, एमसिएलएखौ लानानै आदिबासि फरायसा आफादआ गोखों रवजों सोंखारिदों आरो साहा बागान ओन्सोलआव बिजेपिनि हेंथायै पस्टर सिथाबदों। 18 आगस्टआव उदालगुरियाव गिबि मन्थिनि बिटिआर मिसननि जोबथा हाबाफारि। गुबुन फारसंथि (□ 6 बिलाइआव)



100 निफ्रायबो बांसिन सुबुंफोरा बिजेपि दोलोआव हाबदों



बिपिएफ दोलोनिफ्राय जायखारबोनानै बिजेपि दोलोनि निति आदसंजों गोसो बोजनानै जिल्ला एसटि मर्सानि गाहाइ नेहाथारि अर्जुन दैमारिनि दैदेनायाव राहुल बर’आ दैदेनाय मेलआव

100 निफ्रायबो बांसिन सुबुंफोरा बिजेपि दोलोआव हाबफैयो। दोलोआव हाबनाय हाबाफारियाव मोनसे दोलोआव हाबनाय हाबाफारि खुंफुंजाय जायो। (□ 6 बिलाइआव)

कालिंदुवार मण्डलनि आफादगिरि एबा बिटिआरनि थिसनजानाय एमसिएलए अर्पना मेधि, मण्डलनि लोगो आफादगिरि महिराम कछारी, आबादारि मर्सानि आफादगिरि पिताम्बर देका, लाइमोन मर्सानि आफादगिरि निरमल बर’, कालिंदुवार मण्डलनि गाहाइ नेहाथारि अरबिन्द शर्मा आरो रजिजत बर’जों लोगोसे मोनफ्रोमबो बुटनि दोलोआरि मावफारियाफोरनि नुजाथिनायाव मोनसे दोलोआव हाबनाय हाबाफारि खुंफुंजाय जायो। (□ 6 बिलाइआव)

बिजनीआव गिखंथाव लामानि जाब्रबथाय

बिजनी, 18 आगस्ट : चिरांनि बिजनी-पानबारि लामा माटियापारा पाकाजानि दैन दालां सायाव जादों बे गिखंथाव जाब्रबथाया। जोबोर गोखेंथिजों खारनाय मटर साइकेल आरो गंसे साइकेलनि गेजेराव जादों बे गिखं थाव जाब्रबथाया। जाब्रबथायाव जायगायावनो सानै सुबुंनि जिउ खहा आरो गुबुन सासे गोब्राब जोखोम। बिजनी नोगोरनिफ्राय जोबोद गोखेंथिजों पानबारि फारसे फैबाय थानाय (□ 6 बिलाइआव)

तामुलपुर जिल्लानि कुमारिकाताआव ड० भुपेन हाज’रिकानि मुडाव लाइब्रेरी बिल्डिं लुफुंदों एमएलए जलेन दैमारिआ

तामुलपुर, 18 आगस्ट : तामुलपुर जिल्लानि कु मारिकाताआव एमएलए इन्साइटेड फान्डनि गेजेरजों लुफुंजाय ड० भुपेन हाज’रिका लाइब्रेरी बिल्डिंखौ बेखेवनानै होयो तामुलपुर बियाबनि एम एल ए जलेन दैमारिआ। कुमारिकाता ओन्सोलनि समाज सिबियारि मेले मजबि बिथांमोननि नुजाथिनायाव बे लाइब्रेरी बिल्डिंखौ एम एल ए जलेन दैमारिआ बेखेवनानै होयो। तामुलपुरनि कुमारिकाताआव लुफुंजानाय बे लाइब्रेरिया फिसायेबाबो साबना-



हाबना जागोन बेवहाय फरायसा एबा लाइमोनफोरनि थाखाय कम्पेटिटिभ आन्जादफोरनि

बिजाब लाखिनायजों लोगोसेनो बैसोगोरा सुबुंफोरनि खाबुनि (□ 6 बिलाइआव)

12 नं सालाकाति बियाबआव बिपिएफ दोलोआ सिगांगासिनो दड

बासुगाव, 18 आगस्टः फैगौ बिटिसि बिसायख’थिनि अक्ट’आ थि जायाखैब्लाबो ओन्सोलआव गुबुन-गुबुन दोलो आफाद फसंथानफोरनि गेजेराव मुखबथि बांनायखौ नुनो मोन्दों। आधिखालआव राजखान्थियाव निति आरो आदसं गैये जालादों। जेव मुलाम्फानि मोखों नुदों बेवहायनो भटरफोरा ज’मा जादों। बेनि गेजेरावनो 17 बोसोर बिटिसि खुंथाइखौ सामलायबोनाय हाग्रामा महिलारि दैदेनाय बिपिएफ दोलोनि बिजाथि महेर खेबथाम देरहानाय बियाबनि मुंदांखा दैदेनगिरि देरहासार बसुमतारिनि मुडा बियाबनि बिजाथि महेर फोसावजादों। (□ 6 बिलाइआव)

रबिराम नार्जारीनि बिबुंथिनि हेंथायै इउपिपिएलनि मावफारियाफोरनि बिबुंथि



गसाइगाव, 18 आगस्टः फैगौ बिटिसि बिसायख’थिखौ लानानै मोनफ्रोमबो राजखान्थि दोलोफोरनो जान्जि खाफ्रादोंसे। मख’नो गोनांदि, मोनफ्रोमबो राजखान्थि हान्जानि दैदेनगिरिफोरनो गावसोरनि सिरि थानायखौ सिफायनानै कसुगाव बियाबनि बिपिएफनि थिक्किट मोननो हानाय एबा एमएलए रबिराम नार्जारीआ लाखिनाय बिबुंथिखौ मिरु खालामनानै इउपिपिएलनि हेफाजाबगिरिफोरनि गेजेराव रागा जोंखानाय सोमजिदों। एमएलएआ खोंरं बिजोंनि सिगाडाव कसुगाव बियाबनि मान्दारपायाव गासैबो बिपिएफआव (□ 6 बिलाइआव)

नागालेन्डनि गामियारिफोरा दयां दै दोन्थुमसालिखौ साखोन-सिखोन खालामनाय हाबाफारि लादों

दिमापुर, 18 आगस्ट : नागालेन्डनि वका जिल्लायाव थानाय दयां बान्दो दै दोन्थुमसालिखौ गुबुंलेनिफ्राय उदां खालामनो आरो मोनसे गोग्गो आबहावाखौ बांहोनो थाखाय, दयां हा बिगोमा आफादआ नर्थ इस्टर्न इलेक्ट्रिक पावार कर्परेशन लिमिटेडनि हेफाजाबजों दयां दै दोनथुमसालियाव मोनसे साखोन-सिखोन खालामनाय हाबाफारि सालायो। बिसोर दै दोन्थुमसालिनिफ्राय गोबां बिबानि प्लास्टिक दाखोर दाला, बायखोन्दा थुखा आरो दंफा-दालाइफोरखौ बोगारो। दयां हाइड्रुइलेक्ट्रि बिथांखि (डिएचइपि) न'सुंसे गामि आरो इडबिसि दयां, सेन्ट थमास



केथलिक चार्च, लथा दह दयां, एसनफेन गामि, थिलं गामि, भन्डं गामिजों लोगोसे

गुबुन आफादफोर आरो गुबुन सांग्रांथि नोगोरारिफोरा थानाय शनिबारखालि राइज्यो पुलिस आरो मिरुयारि सान्थि हान्जाफोरनि जवानफोरजों लोगोसे बे हाबाफारियाव बाहागो लायो। दयां दैमायाव थानाय डिएचइपिआ नागालेन्डनि मोनसेल' गहाइ दैमा बान्दो। जायगायाव थानाय दयांनि मावफुं बिथोनगिरि आरो प्लान्टनि गहाइ जन जेलियांआ बेनि सायाव गावनि गोजोन्नायखौ फोरमायदों।

पाकिस्ताननि खैबर पख्तुनख्वाआव पिकनिकनिफ्राय फैफिन्नाय सुबुंफोरखौ गुलि गावदों



पाकिस्तान, 18 आगस्ट : पाकिस्ताननि खैबर पख्तुनख्वा ओन्सोलाव पिकनिकनिफ्राय फैफिनबाय थानाय मोनसे हान्जानि सायाव सिनायमोनै हाथियार लाग्राफोरा नेना थानानै गग्लोबो, जेराव खमैबो सा 7 सुबुंफोरनि जिउ गोमायो आरो सासे गुबुन सुबुज जिउ गोमायो। पुलिसआ थानाय रबिबारखालि बेनि खौरां होयो। बे जाथायाव लोब्बा थानाय सुबुंफोरनि सायाव शनिबार हर गेजेराव पेशावरनिफ्राय गासै 65 किल'मिटर खोला-सोनाबहा कहाट जिल्लानि लेहाइ नोगोरारि ओन्सोल रेंगि खेलाव गग्लोबो। आधिखालाव बे जाथाइखौ नायबजिरासिनो दं होन्ना कहाटनि जिल्ला पुलिस बिबानगिरि जाहिदुल्ला खानआ बुंदों। बिथाड जागायजेन्नाय नायबजिरनायाव उतखारिफोरनि सोमोन्दै जेबो खौरां

मोनाखै होन्ना बुजें। रैखा खालामग्रा दोलोनि बिबानगिरिफोरा गोथै सह' आरो जोखोम जानायफोरखौ कहाट जिल्ला गहाइ मावख' देहा फाहामसालियाव दैथाइ हरो आरो जोखोम जानायफोरखौ उनाव जर'खा फाहामथाइनि थाखाय पेशावरनि गंसे देहा फाहामसालियाव रेफार खालामो। थैनायफोरनि नख'रनि सुबुंफोरा बिसोहा रावजोंबो सुथुर गैयामोन होन्ना बुडे। बिबानगिरिफोरनि बायदिब्बा गग्लोबग्राफोरा जाथाइसालिनिफ्राय खारो आरो बिसोरखौ नागिरनो थाखाय हाबाफारि जागायो। बेनि गेजेरजों खैबर पख्तुनख्वानि गहाइ बिथोनगिरि (आईजि) जुलिफ्कार हमीदआ पुलिसनो दायनिगिरिफोरखौ गोबाव खालामा जासे ग्रेप्टार खालामनो बिथोन होयो।

पाकिस्तानआव थाद 'नाय गैयै अखा, दै बाना आरो हा गिसिखानायजों सा 657 सुबुंनि जिउ ख 'हा

गोदान दिल्ली, 18 आगस्ट : जारिमिनाव बयनिखुइ भुगिनांगासिनो दं। जुन दाननि उतखारि हादत पाकिस्तानआ गिखंथावसिन अखानि दोहौजों जौबनायनिफ्राय दासिमाव

No. 03/ACE/BTC/KOK(R)/2025-26/07
Tender No. 44 of 2025-26
PRESS NOTICE INVITING TENDER
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Roads) or BTC for 04 (four) Nos. of road works in Kokrajhar District pertaining to PWD, Kokrajhar Rural Roads Division for a total bid amount of Rs.2,72,33,234.00 (Rupees two crore seventy-two lakh thirty-three thousand two hundred & thirty-four) only (approx.).
Details may be seen at the website www.assamtenders.gov.in and also in the office of the undersigned during office hours.
Sd/-
Addl. Chief Engineer-cum Director,
PWD, BTC, Kokrajhar.
IPR(BTC)/C/2025-26/2679

No. ACE-23/PWD/CS/TMLPR/2025-26/15
Tender No. 47 of 2025-26
PRESS NOTICE INVITING TENDER
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Roads) or BTC for 3 (Three) Numbers of work under Udalguri and Baksa Territorial Building Division, Udalguri for an amount of Rs. 1,09,55,000.00 (Rupees One Crore Nine Lakh Fifty Five thousand) only (approx.).
Details may be seen at the website www.assamtenders.gov.in and also in the office of the undersigned during office hours.
Sd/-
Addl. Chief Engineer-cum Director,
PWD, BTC, Kokrajhar.
IPR(BTC)/C/2025-26/2682

No. ACE-23/PWD/CS/TMLPR/2025-26/10
Tender No. 46 of 2025-26
PRESS NOTICE INVITING TENDER
The Addl. Chief Engineer cum Director, PWD, BTC, Kokrajhar invites bids on behalf of Governor of Assam for 3 (three) nos. works under Tamulpur District for the financial year 2025-26, total bid amount Rs. 2,64,12,000.00 (Approx.) from the eligible contractor registered under Class- II & I (A, B & C) category under PWD, (Roads), Assam or BTC.
Details may be seen at website <http://assamtenders.gov.in> and also at the office of the undersigned during office hours.
Sd/-
Addl. Chief Engineer-cum Director,
PWD, BTC, Kokrajhar.
IPR(BTC)/C/2025-26/2675

लान्थियै अखा, हरखाबै फैनाय दै बाना आरो हा गिसिखानायजों खमैब्बाबो सा 657 सुबुंफोरनि जिउ गोमाखांबाय आरो गासै 6,000 सुबुंफोरा जोखोम जायो। माहारियारि अलखद सामलायग्रा अट'रिटि (एनडिएमए) नि अनजिमाफोरनि बायदिब्बा, थानाय 26 जुननिफ्राय दासिमाव अखाजों सोमोन्दो थानाय गुबुन गुबुन जाथाइफोराव थैनाय सा 657 सुबुंफोरनि गेजेराव सा 171 गथ'फोर आरो सा 94

गाजा दावहाखौ फोजोबनो थाखाय इजराइलआव धर्ना

जेरुजालेम, 18 आगस्ट : इजराइलनि रोजा-रोजा नोगोरारिफोरा गाजा दावहाखौ फोजोबनो आरो हामासनि बेंखनाव थानाय जोबथेना लाखिजानायफोरखौ बख 'नो थाखाय नेतन्याहु सरकारनि हेंथायै हादत नाडै धर्ना खालामो। बे समाव लामाफोरखौ जाम खालामना होनाय जायो आरो फालांगिया थाबथायो। गहाइ मन्थि बेन्जामिन नेतन्याहुनि सायाव नारसिन्नो थाखाय सुबुंफोर थाबैनो हामासजों रदाय खानो दाबि दैखाडे। पुलिसआ होंगो-दोंगोखौ होस्नानो थाखाय दै सानो आरो गासै सा 38 धर्ना होग्राफोरखौ जिम्मायाव लायो। इजराइलाव मोनै आफादफोरा थानाय रबिबारखालि सानसेनि थाखाय हादत नाडै सोमावसारो। बे आफादफोरा जोबथेना लाखिजानायफोरनि नख'रफोरखौ दैदेनो। इजराइलनि गाग्लोबनायखौ गोखों खालामनायजों जोबथेना लाखिजानायफोरनि जिउआ अलखद गोनां जानो हागौ होन्ना धर्ना होग्राफोर गिखांदों। मानोना बिसोर हामासनि बेंखनाव



थानायफोर दासिमबो गोथाडै दं होन्ना मिजिं थिदों। अदेबानि हामासनि बेंखनाव थानाय सा 20 जोबथेना लाखिजानायफोर गोथाडै दं होन्ना इजराइलआ गनायो। धर्नानि समाव सोमावसारग्राफोरनि आखायाव जोबथेना लाखिजानायफोरनि सावगारिफोरबो दंमोन। बे धर्नानि फिन्नायाव गहाइ मन्थि नेतन्याहुआ बुडोदि, जाय सुबुंफोरा हामासखौ फेजेना लासे दावहा फोजोबनायनि सायाव गोनांथि होगासिनो दं, बिसोर बे बाथ्राखौ

बुजियाखैदि, बेजों हामासआ गोखोंसिन जागोन आरो जोबथेना लाखिजानायफोरखौ बख 'नाया गोब्राब जागोन। बेजों हादतनि रैखाथि अलखदआव गोग्लैनो हागौ। सुबुंनि बायदिब्बा, गाजायाव थानाय रबिबारखालि इजराइलनि गोदानै गग्लोबनायाव सा 17 फिलिस्ताइन नोगोरारिफोरनि जिउ गोमायो। बिसोर गासैबो सुबुंथियारि हेफाजाब मोन्नो थाखाय ज' जादोंमोन। मरावा करिडरनि खाथियाव जमा

जानाय सुबुंफोरनि सायाव इजराइलनि टेंकफोरा 100 मिटर जान्थाइनिफ्राय गुलि गावयो। बेराफारसे, थानाय 24 घन्टायाव उखैहाबनायजों थैनायफोरनि अनजिमाया सा 7 जायो। इजराइलआ गाजानि थागिबिफोरखौ खोला गाजायाव दै थाइ हरनाय बिथांखिनि सायाव खामानि मावगासिनो दं। मानोना इजराइलआ सा गाजाखौ दखलाव लानो थियारि खालामगासिनो दं।

मेघालयआव ग्रिन ट्रान्सपर्ट हाबाफारिखौ बांहोनो थाखाय इलेक्ट्रिक टेक्सि आरो बासफोर जागायदों

गुवाहाटी, 18 आगस्ट: मेघालय सरकारआ राइज्योनि राजथावनि शिलं आव आबहावाखौ गहाम एबा गोग्गो खालामनाय थांखिजों इलेक्ट्रिक टेक्सिफोर जागायनाय थांखिखौ जागायबाय। गिबि मन्थि कनराड के सांमाआ बावयैसो सिगां फोसावयोदि, बिसोरनि खुंथाया मेघालयआव इलेक्ट्रिक टेटक्सिफोरखौ आजावना लानायाव सुबिधा होनो थाखाय मोनसे गोदान नेम-खान्थि दागासिनो दड। सांमाआ बुडेदि, जों शिलंआव इलेक्ट्रिक गारिफोरखौ बाहायनायखौ बांहोनो आरो थाबायनायजों लोगोसे गुबुम मटरनडै सालायनाय हान्था-मेलाखौ बांहोनो थाखाय खामानि



मावगासिनो दड। बे ग्रिन ट्रेन्सपर्ट हाबाफारिनि गेजेरजों राइज्योआ थाबैनो गं 50 था इलेक्ट्रिक बासफोरनि गिबि हान्जाखौ इलेक्ट्रिक मडेलाव स्कुलफोराव सिगाडाव

जागायनाय स्टेम्स बासफोरनि साय बासफोरनि सायाव बिथा खालामो, जायखौ आधिखालाव सरकारआ इलेक्ट्रिक मडेलाव सोलायनायनि बिथांखि

लागासिनो दड। इलेक्ट्रिक गारिफोरखौ बांहोनायनि अनगायै सरकारआ थाबायग्रा दावबायारिफोरनि थाखाय गुदि बिथायाव साबस्नांहोनो थाखायबो खामानि मावगासिनो

दड। सांमाआ शिलंनि थाबायनाय गोहोनि सायाव नोजोर होनायजों लोगोसे फुटपाथ आरो थाबायग्रा लामाफोरखौ फुवारनायनि सायाव गोनांथि होयो। बिथाड शिलंआव बांसिन जायगाफोरसिम थाबायनानै गोरलैयै सौहैनो हागोन। आधिखालाव सेलेन्स महरै गाहामै थाबायग्रा दावबायारिफोरनि थाखाय जायगाफोरनि आंखाल दडआरो जों बेनि सायाव खामानि मावगासिनो दड। इयुनाव राइज्यो सरकारआ शिलंनिफ्राय जवाइ, तुरा आरो नंगस्टइन बायदि शहरफोरवबो इलेक्ट्रिक गारिफोर सालायनो थांखि लादों।



आइजोफोरबो दंफायोमोन। गासै ओन्सोलफोरनि गेजेराव खैबर-पख्तुनख्वा (के-पि) आ

बयनिखुइ बांसिनै गोहोम गोग्लैदों, जेराव सा 390 सुबुंफोरनि जिउ गोमायो, जेराव

सा 288 हौवा, सा 59 गथ' आरो सा 43 आइजोफोरा दंफायो। बेनि गेजेरजों पान्जाबआव सा 164 सुबुंफोर थैयो, जायफोरनि गेजेराव बांसिनानो गथ'फोरमोन। बेराफारसे, सिन्धुआव सा 28, बलुचिस्तानआव सा 22, पिअपिबियाव सा 32 पिअके आव सा 15 आरो इस्लामाबादआव अखाजों जानाय जाब्रथाइफोराव सा 8 सुबुंफोरनि जिउ गोमायो। एनइअसिआ पान्जाब, खैबर

पख्तुनख्वा, बलुचिस्तान, पिअके आरो सिन्धुनि माखासे बाहागोफोरजों लोगोसे माखासे ओन्सोलफोराव गोबां अखा हानायनि इयुन हमदोनानै मोनसे इमार्जेन्सि सांग्रांथि फोसावो। पिडिएमएनि बायदिब्बा, थानाय शुक्राबरखालि जोमै गावस्नानाय, सार-अन्थाइ गोग्लैनाय आरो हरखाबै फैनाय दै बानाजों थैनायफोरनि अनजिमाया सा 323 जायो। बेराफारसे अलखदिनि मिरु बुनेर जिल्लायाव सा 209 सुबुंफोरनि जिउ गोमायो।

भारत आरो आमेरिकानि फालांगियारि जेंनानि गोहोमखौ नुनो मोनगोन

गोदान दिल्ली, 18 आगस्ट : भारत आरो आमेरिकानि गेजेराव फालांगि जेंना, गिबि 3 दाननि गेजेराव कपरिटेटनि लोरबां फिथाइ आरो रडव लोरबां जानायनि जाहोनाव आगस्टनि गिबि 3 दानाव एफपिआइआ गोबां रंखांथि दिहुनो। नेशनेल सिक्युरिटिज डिपजिटरी लिमिटेड (एनएसडिएल) नि डाटानि बायदिब्बा,. 1.15 आगस्टनि गेजेराव एफपिआइआ भारतयारि

शेयारफोरनिफ्राय 20,975 कौटि रं दिहुनखांबाय। बेजों लोगोसे केलेन्डर बोसोर 2025 आव एफपिआइनि शेयारफोरनिफ्राय गासै दिहुन्नाया 1.16 लाख कौटि रंसिम सौहैबाय। एन्जेल वननि गागि नायबजिरगिरि वकार जावेद खाननि बुंनाय बायदिब्बा, फैगौ समाव टेरिफजों सोमोन्दो गोनां हाबाफारिफोरा एफपिआइनि हाबाफारिफोरखौ गोहोम खोख्लैनो हागौ। आमेरिका



आरो रासियानि गेजेराव जेंनाया दावखलायो आरो गोदान होबथानायफोरा इसारा होयोदि, भारतनि सायाव गोहोम गोग्लैनाय 25

जौखोन्दो उफ्रा टेरिफआ फैगौ 27 आगस्टनि उनाव सोलिनाय नडा। बेयो बाजारनि थाखाय मोनसे गहाम खौरां। बेनि अनगायै आमेरिकानि रेंटि

एजेन्सि एसएन्डपिआ 18 बोसोरनि उनाव भारतनि क्रेडिट रेंटिखौ बिबिबिनिफ्राय आपग्रेट खालामदों। बेयो एफपिआइनि गोसोनि बोलोखौ बांहोबावनो हागौ। बेनि सिगां थानाय जुलाइ दानाव एफपिआइआ शेयारफोरनिफ्राय 17741 कौटि रं दिहुन्दोंमोन। बे बोसोरनि थानाय एप्रिलनिफ्राय जुन दाननि समाव एफपिआइआ शेयारफोराव 38,673 कौटि रंनि इन्वेस्टमेन्ट खालामदोंमोन।

गाहाम देहानि राहा

गात्रि कलेस्ट्रलखौ माखासे नेमस्वान्थि वाहायनानै कन्ट्रल खालामनो हायो

कलेस्ट्रलआ मम बायदिनो मोनसे सिथाबनानै थाग्रा मुवा, जाय थैनि रोदाफोराव जमा जाना थायो। बेनि लेभेलआ बांनायजों ब्लाड फ्ल'आ लासे जालांनो हमो, जायनि जाहोनाव बिखानि बेराम जैरै-हार्ट एटक, स्ट्रक बायदिनि जेंनाया बाडो। बेनि अनगायै गुबुन बेरामफोराबो गावनि बेंखनथायाव लानो हागै। फारसेथि गोबां सुबुंफोरा कलेस्ट्रलखौ बाडाइ खालामनो थाखाय मुल्लिनि हेफाजाब लायो नाथाय मुल्लिखौ गोबां जानाया देहानि थाखाय ख'हा गोनां जायो। जुदि नोंथाडाबो हाइ कलेस्ट्रलजों भुगिनांदोंब्ला नोंथाडा गावनि डाइटआव माखासे सोलायनांगोन अब्लासो नोंथाडा बेड कलेस्ट्रलनिक्राय रेहाय मोनगोन।

(1) केक, चिप्स, पपकर्न, पिज्जा, फ्राइड फुड बायदि मुवा बेसादफोराव ट्रान्सफेटखौ मोन्नाय जायो। बे मुवा-बेसादआनो कलेस्ट्रलखौ बांहोनायनि हाबाफारि मावो।



जुदि नोंथाडाबो बेखौ जानो मोजां मोनोब्ला दिनैनिक्रायनो बेनिक्राय जानगाराव थानाया गाहाम जागोन। जुदि नोंथाड कलेस्ट्रलजों लोगोसे डायबिटिज, देहानि लिस्थाय बांनाय आरो केन्सार बायदि बेरामफोरनिक्राय रैखाथियै थानो हास्थायोब्ला बे मुवा बेसादफोरनिक्राय जानगाराव थानांगौ।

(2) फिथाइ-सामथाइ, मैगं-थाइगंआ कलेस्ट्रलखौ बाडाइ खालामनायनि हाबाफारि मावो। मानोना बेवहाय मोनग्ग। फाइबारआ कलेस्ट्रलखौ बायजोआव खालामो। बेनिखायनो नोंथाडा गावनि डाइटआव

गोथां मैगं-थाइगंफोरनिक्राय लानानै गाबगोनां फिथाइ-सामथाइफोरखौ बो जाफादेरनांगौ। मख'नो गोनांदि, फिथाइ-सामथाइ, मैगं-थाइगंनि गाबफोरा जेसेबां समायना एसेबांनो देहानि थाखायबो मोजां जायो। बेनिखायनो गाव गावनि डाइटआव गोथां मैगं थाइगं आरो फिथाइ सामथायखौ लाफादेरनांगौ। (3) मैदा आरो गुफुर चीनिखौ गाव गावनि डाइटनिक्राय जानगाराव खालामनांगौ। बे मुवाया कलेस्ट्रलखौ बांहोनायनि अनगायै ब्लाड सुगार, ब्लाड प्रेसारखौबो बांहोयो।

टम क्रुजनि ‘मिशन इम्पसिबल’ सावथुननि अटिटि रिलिज अक्टआ स्वाथियाव सौफैबाय

हलिउडनि गोखों एक्सन हिर' टम क्रुजआ जेनिबो सिनायथिनि गोनांथि गैला। हादतनाडैनो बिथानि फ्रेन्वाइजि सावथुनफोरखौ नायग्रा सुबुंफोरा गोबां दं। बे बोसोराव बिथानि मिशन दा फाइनाल रेकर्निआ सिनेमाहलफोराव नुजाथिदोंमोन। बक्स अफिसआव सावथुना मोजाइनो दिन्थिफुंदों आरो भारतआवबो इंराजी सावथुनफोरखौ नायनो मोजां मोनग्रा सुबुंफोराबो बेखौ मोजां मोन्दें। गमामायैनो आथिखालाव अटिटि लाभासर्फोरनि थाखाय खुसि जानायनि खाबुआ सौफैबाय। बबेखानि आथिखालाव सावथुननि रिलिज अक्टआ जोबोद खाथियाव सौफैबाय। सिनेमाहलफोराव रिलिजनि दानमोन्नै उनाव सावथुनखौ अटिटिआव दिन्थिफुंसिगोन।



टम क्रुजनि हिट फ्रेन्वाइजि मिशन इम्पसिबलनि 8थि आरो जोबथा सावथुनखौ नायनो थाखाय सुबुंफोरा जोबोद एक्साइटेड जानानै दं। बेल' नड, माखासे सुबुंफोरा थिएटर्सआव नायखानायनि उनावबो आरोबाव बेखौ अटिटिआव नायनो थाखाय नेनानै दं। क्रिस्टफार मेकक्वेरिनि दिहुनाय सावथुन एमआइ-8 आ मोनसे स्पाइ एक्सन थ्रिलार,

जायनि फ्रेन्वाइजिखौ नायगिरिफोर 29 बोसोरनिक्रायनो नायबोगासिनो दं। मे दानाव मिशन इम्पसिबल दा फाइनाल रेकर्निआ रिलिज जादोंमोन आरो बेयो भारतआव रेकर्ड सिफायनो हानाय कालेक्सन खालामदोंमोन। गामामायैनो आथिखालाव बेखौ अटिटि प्लेटफर्मआव रेन्ट आरो पारचेज फर्मेटआव नायनो हागोन। मिशन

बिथोनगिरि शेखर कापुरआ श्रीदेभिजों लोगोसे जयै खामानि मावनायनि मोन्दांथिखौ शेयार खालामदों

हिन्दी सिनेमानि साबसिन फिल्ममेकारनि बाश्ना सावरायोब्ला शेखर कापुरनि मुंखौबो थारैनो लानाय जायो। बलिउडनि माखासे मुंदांखा महरगिरिफोरखौ बिथानि सावथुनफोरा सिनायथि मोनहोदों। बिथोनगिरि हिसाबै बिथाडा माखासे समायना सावथुनफोर बानायदों, नाथाय बिथानि सावथुनफोर सोमोन्दै खनसे सावरायनो जागायोब्ला मिस्टार इन्डिया सावथुननि मुंखौबो थारैनो लानाय जायो। बे सावथुनाव श्रीदेभि आरो अनिल कापुरनि खामानिखौ जोबोद अन्साइनाय जादों। शेखर कापुरआ दा सावथुनाव श्रीदेभिजों लोगोसे खामानि मावनायनि मोन्दांथिखौ शेयार खालामदों। भारतीय सिनेमानि मुंदांखा फावगिरि श्रीदेभिनि सोमोन्दै मोनसे पस्टआव बिथाडा फोरमायदों, जेराव बिथाडा मिस्टार इन्डिया सावथुननि मोनसे सावगारिबो शेयार खालामदों आरो दा समाजयारि बिजोंआव जोबोद खौराडव थादों। बलिउडनि बै सायख'जानाय फावखुंग्रिफोरनि



फारिलाइआव श्रीदेभिनि मुंखौबो लाफादेरनाय जायो, जायनि खामानि मावनायखौ बुहुमखौ नागारनानै थोंदोंब्लाबो

गोसोखांनाय जायो। शेखर कापुरआ 1987 आव मिस्टार इन्डिया सावथुनाव बिथांजों लोगोसे खामानि मावनायनि

मोन्दांथिखौ शेयार खालामदों। शेखर कापुरआ गावनि पस्टआव लिरोदि, श्रीदेभिजों लोगोसे सावथुननि सुटिनि आंहा गिबि

मुंदांखा फावखुंगुर धर्मेन्द्रआ गावनि इनस्टाग्राम हेन्डेलआव मोनसे लेटेस्ट पस्ट शेयार खालामदों

50 बोसोर सिगां सिनेमा हलफोराव 'शले' मुनि मोनसे सावथुनखौ रिलिज खालामनाय जादोंमोन, जाय मोजाइ जाफुंसारनानै हिन्दी सिनेमानि रावखौनो सोलाय होदोंमोन। बिथोनगिरि रमेश शिप्पिआ बे सावथुनखौ बिथोन होदों आरो सलिम खान-जावेद अखरनि ज'शया बेखौ लिरदों। धर्मेन्द्र, अमिताभ बच्चन, हेमा मालिनि, सन्जिव कुमार आरो आमजाद खान बायदि




शेयार खालामदों, जायनि गेजेरजों बिथाडा बेखौ मिबथि होदोंदि, रमेश शिप्पिनि थाखाय नडा सासे जर'खा सुबुंनि थाखायसो पर्दाआव शले सावथुननि गुबै जादुखौ नुनो मोन्दें। रिलिजनि 50 बोसोर आबुं जानायखौ लानानै शले सावथुननि फारसे गासै जायगाफोराव सावरायगासिनो

दं। धर्मेन्द्रआबो गावनि सावथुननि जर'खा जाफुंसारनायखौ लानानै समाजयारि बिजोंआव गावनि खुसिखौ फोरमायथिदों। बेनि अनगायै बिथाडा गावनि अफिसियेल इनस्टाग्राम हेन्डेलआव मोनसे टेलेस्ट पस्ट शेयार खालामदों, जेराव बिथाडा शलेनि सुटिनि समनि मोनसे

‘अम शान्ति अम’ सावथुनआव अर्जुन रामपलनि अनगारै गुबुन सासे फावखुंगुरखौ सायख'दोंमोन

2007 नि ब्लकबास्टर सावथुन 'अम शान्ति अम' आ दिनैसिम नायगिरिफोरनि गोसोआव गोदांनैनो दं। दिपिका पादुकनि डेब्यु सावथुन जानायजों लोगोसेनो बे सावथुनाव गोबां महरगिरिफोरनि केमियखौ जयै गिबि खेब नुनो मोन्दोंमोन। सावथुननि फावफोरनिक्राय लानानै सल'सिमखौ नायगिरिफोरा जोबोद मोजां मोन्दोंमोन। सावथुननि भिलेन मुकेश मेहरानि फावआबो गोबां सावरायनायाव थादों। नाथाय मिबथिगौना सावथुनाव भिलेन मुकेश मेहरानि फावखौ आर्जुन रामपलनि अनगायै गुबुन सासे सुबुडसो दिन्थिनो गोनांमोन। बे फावखौ फावखुंगुर भिबेक अबेरायआ दिन्थिनो गोनांमोन। सावथुननि बिथोनगिरि फराह खानआ खेंफोरना होयोदि, बै फावनि थाखाय कास्टिंआ मोनसे



गिदिर सेलेन्ज गोनां फोरमान जादों। मोनसे इन्त्यरभिउआव बिथाडा मिबथि होयोदि, माखासे महरगिरिफोरा बे फावखौ नेवसिगारदोंमोन। फराह खानआ बुडो, 'मुकेश मेहरानि बिफावनि थाखाय कास्टिं खालामनाया बयनिकु इ गोब्राबसिनमोन, मानोना बेयो आबुडै नेगेटिभ फावमोन। बेयाव जेबो पजिटिभ गैयामोन।

मुकेश मेहरानि समाइना स्टाइलआ सुट आरो गोबा दारिजों लोगोसे गावनि आलादा सिनायथि बानायदों, जाय जेब्लाइबो गोसोआव थाबाय थादों। नाथाय टिमआ बिनि देहायारि गाबनिक्रायबो माखासे मिर्जिथिदों। कमल नाहटाजों लोगोसे बाश्ना सावरायनायाव फराहआ गावनि गोसोनि सान्नायखौ फोरमायथियो, जे

दिपिकानि मोजां मोन्नाया सासे हेन्डसाम हौवा जाथों, बिथाडा बे बाश्नाखौ शाहरुख खाननि सिगाडावबो शेयार खालामदोंमोन। बबेखानि अर्जुन रामपलआ कलनायक फावनि थाखाय गिबि सायख'जानाय नडमोन। फराहआ माब्लाबाबो बै फावखुंगुरफोरनि मुंखौ लायाखै, जायफोरा बे फावखौ नेवसिगारदोंमोन।

मुंगारु माले सावथुना पिभिआर बेंगालरआव 460 सानसिम सोलिनानै मोनसे रिकर्ड खालामदोंमोन



सासे सरासन्न्हा सुबुनि थाखाय सावथुननि हिट जानायनि ओंथिया जायो, बियो मोजाइनो दिन्थिफुंदों, नाथाय आथिखालाव सुपारहिट आरो ब्लकबास्टर बायिद सोदोबफोरखौ जेब्लायबो जेबो बुजिया लासै बाहायनाय जायो। जुदि सावथुना गावनि बाजेटनिक्राय नै गुण बांसिन रां आरजियो अब्ला बेखौ

सुपारहिट होन्ना गनायनाय जायो। जुदि बेनि रां आरजिनाया बेनिखुइबो बांसिन जायोब्ला बेखौ ब्लकबास्टर बुंनाय जायो। 2006 माइथायाव कन्न्डु सावथुन मुलुगनि मुंदांखा लिरगिरि-दिहुनगिरि यगराज भट्टआ मोनसे रमान्टिक ड्रामा 'मुंगारु माले' सावथुनखौ बानायदोंमोन। बे सावथुना

जोबोद खम बाजेटनिमोन, जेराव फावखुंगुर गणेश आरो पुजा गान्धीजों लोगोसे मुंदांखा फावखुंगुर अनन्त नागआबो दंमोन। सावथुननि बाजेटआ 70 लाख रंगल'मोन, नाथाय दिसेम्बराव रिलिज जानायनि उनाव मुंगारु माले सावथुना मोनसे स्लिपार हिट जादों। बे सावथुना कर्नाटक आरो गुबुन जायगाफोराव स्वर्ण

जयन्ति फालिनायजों लोगोसेनो कन्न्डु सावथुन मुलुगनि बयनिखुइ बांसिन रां आरजिनाय सावथुन जादों। बेयो माल्टि प्लेक्सआव बोसोस्सेसिम दिन्थिफुंदों आरो बियो पिभिआर बेंगालरआव 460 सानसिम सोलिदों, जाय मोनसे रिकर्डमोन। लोगोसेनो बेयो हादतनाडै 50 कौटि रां आरजिनो हानाय गिबि कन्न्डु सावथुन जादों। सावथुननि गासै कालेक्सना 75 कौटि रंनि खाथियावमोन, जेराव 57 कौटि रांआ कर्नाटकनिक्रायमोन आरो बेखौ इन्डास्ट्रिनि हिट सावथुन होन्ना गनायनाय जादों। बे सावथुननि जाफुंसारनाया गणेश आरो पुजा गान्धीखौ स्टार बानायदोंमोन। बिसोर सानैआ कन्न्डु सावथुनाव माखासे बोसोरसिम हिट सावथुनफोरजों गावसिनि नेसोंन गालांदों।

सुपारस्टार रजनिकान्तनि कुलि सावथुनआ रिलिज जानायनि सानबै गेजेरावनो मोजां रां आरजिदों

साउथनि सुपारस्टार रजनिकान्तनि सावथुनफोरनि बिहोमा होनाया बलिउडआवबो रिसारो। आथिखालाव बिथाडा गावनि बावैसो रिलिज जानाय कुलि सावथुनखौ लानानै खौराडव थादों। सावथुननि गोखों सल' आरो एक्सनजों बुंफनबाय सिनफोरा सुबुंफोरखौ सिनेमाहलफोराव बोबोगासिनो दड। बक्स अफिसआवबो सावथुना दोहौ सोमजि होगासिनो दं। नख'गरुनिक्राय लानानै वर्ल्डवाइड कालेक्सनआव सावथुनखौ रावबो फेजेन्नो हायाखै। कुलि



सावथुनखौ रां आरजिनाय बिथिडाव जोबोद गोखैथिजों आवगायलांनाय नुनो मोन्दें। रिलिजनि सानब्रैनि गेजेरावनो बेयो कालेक्सननि गासै जारिमिनखौ सोलाय होदें। ऋतिक रश्ननि वार 2 जोंबो सावथुना गोखोडै बादायगासिनो। बिथोनगिरि लकेश कनगराजनि कुलि सावथुना 14 आगस्टखालि सिनेमाहलफोराव रिलिज जादों। बेनि सिगांबो लकेशआ गावनि केरियारआव माखासे समाइना सावथुनफोर होखोंबाय। बेनि गेजेराव बिथाडा रजनिकान्तजों लोगोसे गावनि मुंदांखा सावथुनफोरखौ लानानै फैदों, जाय सानब्रैनि

गेजेरावनो बक्स अफिसआव दोहौ सोमजिहोनायनि खामानि मावदों। साउथ फिल्म ट्रेड एनालिस्ट रमेश बालाया एक्सआव मिबथि होयोदि, कुलि सावथुना रिलिजनि सानब्रैनि गेजेरावनो हादतनाडै 400 कौटि रां फालांगि खालामबाय। बबेखानि बेनि सिगां थामथि सानावनो सावथुननि रां आरजिनाय अनजिमाया वर्ल्डवाइड 345 कौटि रंसिम सौहैदोंमोन। रबिबाराखालि सावथुननि रां आरजिनायखौ जोबोद दावखोनाय नुनो मोन्दों।

